








402



焦氏易林
六







易林卷第六

☲☲ 離上 噬嗑

麒麟鳳凰善政德祥陰陽和調國無
灾殃

麒麟仁獸中國有聖人則至鳳凰
瑞應之鳥太平之世則見

之乾

北風相牽提笑語言伯歌叔舞讌樂

以喜

無註

坤

甲戌己庚隨時轉行不失常節達性
任情各樂其類

無註

屯

破亡之虛神祇哀憂進往無光留止

有慶

無註

蒙

注斯膏澤扞衛百毒防以江南虺不
能螫

無註

需

日月相望光輝盛昌三聖茂功仁德

大隆

三聖堯舜禹也

訟

大蛇巨魚戰於國郊上下隔塞衛侯

廬曹

春秋魯閔公二年狄人伐衛衛立

戴公以廬于曹

師

龍入天關經歷九山登高上下道里

險難日晏不食絕無甘酸

無註

比

沙漠北塞絕無水泉君子征凶役夫

苦艱

無註

小畜

關折門啓衿帶解墮福與善坐憂不
為禍

苦無註

履

狼虎所嗥患害必遭不利有為宜以

遁逃

無註

泰

金精耀怒帶劍過午兩虎相距弓弩
滿野雖憂無苦

無註

否

朽根枯樹葉落花去卒逢火焱相隨

偃仆

無註

同人

入和出明動作有光轉運休息常樂

永康

無註

大有

國多忌諱大人恒畏結口無患可以

長存

無註

謙

豫

天地淳厚六合光明陰陽順序以成

厥功

無註

羸程逐狐為人觀笑牝雞雄晨主作

亂妖

書曰牝雞無晨牝雞之晨為家之

索狐當作狐

隨

陰升陽伏桀失其室相餒不食

桀夏桀無道成湯放之于南巢

蠱

蛸飛虫動各有配偶小大相保咸得

其所

蛸井中虫又詩曰蛸蛸者蠋特行

貌

臨

鬼守我廬欲呼伯去曾孫壽考司命

不許與生相保

無註

觀

禍走患伏喜為我福凶惡消亡苗害

不作

無註

賁

智不別揚張狂妄行蹈淵仆顛傷殺

伯身

無註

剝

凶憂灾殃日益章明禍不可休三邵

夷傷

按春秋三邵晉大夫邵錡邵犇邵

復

至成公十七年晉厲公侈多外嬖
欲盡去群大夫而立其左右遂殺

三邵

長尾蜚虵畫地為河深不可涉阻絕
以無憫然憤息

無註

無妄

愛我嬰女牽引不與異幸高貴反得
賤下

無註

大畜

鳧遊江海甘樂其餌既不近人雖驚
不駭

無註

頤

明滅光息不能復食精魄既喪以夜

爲室

無註

大過

奇適無耦習靖獨處所願不從心思

勞苦

無註

坎

葛藟蒙棘華不得實讒佞亂政使忠
壅塞

葛藟詩篇名蒙棘詩葛生篇云葛
生蒙棘蔽蔓于域予美亡此誰與
獨息

離

鵲笑鳩舞來遺我酒大喜在後授吾
龜紐龍喜張口起拜福祉

咸

漢舊儀列侯之印以黃金為龜紐

搖尾逐灾雲沉孽除滂泥生梁下為

田主

無註

恒

白鶴銜珠夜食為明膏潤優渥國歲
年豐

搜神記云有鶴為弋人所射窮而歸噲參參收養療治瘡愈而放之後鶴夜到門外參執燭視之鶴雌雄雙至各銜明珠以報參焉

遯

內執柔德止訟以嘿宗邑賴德禍灾不作

無註

大壯

犬吠驚駭公拔戈起玄冥厭火消散

瓦解

禮記月令其神玄冥冬月之神也

晉

公悅媪喜孫子俱在榮譽日登福祿來處

無註

明夷

鳥鳴嘯嘯長欲飛去循枝上下適與

風遇顛墮樹根命不可救

嘯音扣嘯而活者曰嘯

家人

析薪爨酒使媒求婦和合齊宋姜子

悅喜

詩伐柯篇取妻如何匪媒不得又

睽

衡門篇豈其取妻必齊之姜豈其
取妻必宋之子

鄰不可顧而求玉女身多疾癩誰當

媚者

無註

蹇

遠視無明不知青黃黓續塞耳使君

聞聾

黠續塞耳而聽於無聲

解

剋身已整逢禹巡狩賜我玄珪蒙受

福祉

書禹貢云禹錫玄珪告厥成功言
水土既平禹以玄珪為贄而告成
功于舜也水色黑故珪以玄云

損

遠望千里不見黑子離婁之明無益
於光

離婁古之明目者

益

斧斤所斫瘡痍不息鍼石不施下即

空室

無註

夬

齊侯少子材略美好求我長女賤薄
不與反得醜陋後乃大悔

無註

姤

失儷後旅天門地户不知所在安止

無咎

無註

萃

烏孫氏女深目黑醜嗜欲不同過時
無偶

烏孫國名其女目深而醜黑也

升

叔駕純騮南至東萊求索駒馬道悅

中止

無註

困

二女寶珠誤鄭大夫君父無禮自爲
作笑

列仙傳江妃二女佩兩明珠大如
卵遊江漢之濱鄭交甫逢而悅之
不知其神也曰願請子之佩二女
解而與之行數步二女不見佩亦
失之

井

陽城太室神明所息仁智之居獨無
兵革

無註

革

大地爲殃使道不通歲露尠少年穀
敗傷

尠音鮮

鼎

三足孤鳥靈明為御司過罰惡自殘
其家毀敗為憂

漢天文志日中有三足鳥

震

車雖駕兩勒絕馬欲步雙輪脫行不
至道遇害

無註

艮

鬱快不明為陰所傷眾霧集聚共奪

日光

無註

漸

鷦鷯鴟鴞治成禦灾周公勤勞綏德

安家

鷦鷯鳥名一名飛桑又名巧婦鴟

鴉詩篇名周公救亂也

歸妹

名成德就項領不試景公耄老尼父

逝去

論語齊景公謂孔子曰吾老矣不

能用也孔子遂行

豐

一夫兩心岐刺不深所為無功求事

不成

無註

旅

羿張烏號毅射天狼趙國雄勇敗於

滎陽

羿后羿善射烏號弓名天狼獸名

滎陽地名滎當作滎

巽

東家殺牛污臭腥臊神背西顧命絕
衰周

周易既濟九五東隣殺牛不如西
隣之禴祭

允

火起吾後喜炙我鹿蒼龍銜水泉噴
柱屋雖憂無咎

無註

渙

桃雀竊脂巢於小枝搖動不安為風
所吹寒心慄慄常憂不殆

桃雀即桃虫詩曰肇允彼桃虫註
云鷦鷯也竊脂桑扈也

節

徙足去域飛入東國有所畏避深藏
隱匿

無註

中孚

瓊英朱草仁政得道鳧鷖在渚福祿
來下

詩尚之以瓊英乎而瓊英石似玉
生如草木之英華朱草百草之精
也王者德無所不通則生

小過

陳蔡之危從者飢罷明德上通憂不
為凶

孔子嘗厄於陳蔡之間又曰從我
於陳蔡者皆不及門也危當作厄

既濟

春桃生花季女宜家受福多年男為
封君

詩周南桃夭篇桃之夭夭灼灼其

華之子于歸宜其室家

未濟

徑邪賊田政惡傷民夫婦詎詛太上

覆顛

無註

三三高下
艮上賁

政不暴虐鳳凰來舍四時順節民安

其居

鳳凰靈鳥太平之世則見黃帝時
巢于阿閣堯時來止于庭舜時來
儀文王時鳴于岐山

之乾

八口九頭長舌破家帝辛沉酒商滅
其墟

帝辛紂也書泰誓武王數紂曰沈
酒冒色

坤

鬼守我門呼伯入山去其室家舍其

兆墓

無註

屯

日出阜東山蔽其明章甫薦履箕子

佯狂

章甫禮冠商紂無道箕子佯狂而

蒙

為奴

戴盆望天不見星辰顧小失大福逃

墻外

無註

需

兩輪並轉南上大阪四馬共轆無有

重難與語笑言

無註

訟

羊驚狼虎悚耳群聚行旅稽難留連

愁苦 一云 從風群聚

無註

師

梗生荆山命制輸班袍衣剥脫夏熱
冬寒立餓枯槁衆人莫憐

比

荆山多產異材班公輸子魯班也

鳥飛無翼兔走折足不常其德自為

羞辱

無註

小畜

條風制氣萬物生出明庶長養花葉

茂榮

無註

履

坤厚地德庶物蕃息平康正直以綏

大福

易曰坤厚載物德合無疆

泰

昂畢附耳將軍求怒徑路隔塞燕雀

驚駭

昂畢附耳皆星名

否

東風啓戶黔啄翻舞各樂其類咸得

生處

無註

同人

兩足四翼飛入家國寧我伯姊與母

相得

無註

大有

歲暮花落陽入陰室萬物伏匿藏不

可得

無註

謙

釋然遠咎避患害早田獲三狐以貝

為寶

豫

周易解九二田獲三狐狐者邪媚
之獸三狐指卦之三陰時之小人
也獲如能變化除去之如田之獲
狐也

鵠延却縮不見頭目日以困急不能

自復

無註

隨

秋隼冬翔數被嚴霜雞犬夜鳴家擾
不寧

隼鳥名鷓屬即鷓也

蠱

班馬還師以息勞罷役夫嘉喜入戶
見妻

春秋齊師夜遁有班馬之聲

臨

老陽日衰條多枯枝爵級不進逐下
推墮

陽當作揚

觀

順風吹火牽騎驥尾易為功力因懼
受福

無註

噬嗑

六人俱行各遺其囊黃鶴失珠無以爲明

無註

剝

依叔墻隅志下勞苦楚相辰食韓子低頭

淮陰人韓信家貧嘗寄食於南昌

復

亭長并受辱於袴下詳見本傳

三牛生狗以成爲母荆夷上侵姬伯出走

三牛一作三年見坤之震一作三馬生駒見否之姤

頤

鴻鵠高飛鳴求其雌雌來在戶雄哺

嘻嘻甚獨勞苦焦鰲膾鯉

焦音魚

大過

褰衣涉河水深漬罷賴幸舟子濟脫

無他

無註

坎

虎齧龍指太山之崖天命不祐不見

其雌

無註

離

明不處暗智不履危終日卒歲樂以

笑歌

無註

咸

三足俱行傾危善僵六指不使恩累

弟兄樹柱闕車失其正當

闕音礙

怛

舍車而徒亡其駮牛雖喪白頭酒以

療憂

無註

無妄

鶴盜我珠逃於東都鵠怒追求郭氏

之墟不見蹤跡反為患灾

未詳

大畜

升輿中退舉事不遂哺麋毀齒失其

道理

無註

遯

析薪熾酒使媒求婦和合齊宋姜子

悅喜

詩伐柯篇取妻如何匪媒不得又
衡門篇豈其取妻必齊之姜豈其
取妻必宋之子

大壯

夜視無明不利賈啻子反笑歡與市
為仇

無註

晉

徒行離車不冒泥塗利以休居

無註

明夷

作室山根人以為安一昔崩顛破我
壺殮

無註

家人

山東山西各自言安雖相登均竟未

同堂

無註

睽

君子在朝凶言去消驚駭逐狼不見

英雄

無註

蹇

輶輶墳墳火燒山根不潤我鄰獨不

蒙恩

輶音隱

解

南山之蹊真人所在德配唐虞天命

為子保祐歆享身受大慶

唐虞堯舜有天下之號也

損

龍蛇所聚大水來處泱泱濡濡澆澆
嗑嗑使我無賴

澆音熒嗑音盍

益

旃裘苦蓋慕德獻服邊鄙不聳以安

王國

無註

夫

光體春成陳倉雞鳴陽明失道不能
自守消亡爲咎

按秦紀索隱註曰漢書郊祀志云
文公獲若石云于陳倉北坂城祠
之其神來若雄雉其聲殷殷云野
鷄夜鳴以牢祠之號曰陳寶又臣
瓚云陳倉縣有寶夫人祠歲與葉
君神會祭于此者也

姤

下泉苞稂十年無王荀伯遇時憂念

周京

荀當作劬下泉詩云冽彼下泉浸
彼苞稂又云四國有王劬伯勞之
劬伯劬侯文王之後嘗為周伯治
諸侯有功

萃

仁德不暴五精就舍四牧允釐民安

其居

無註

升

隨和重寶衆多貪有相如睨柱趙王
危殆

隋侯見蛇傷取藥封之後蛇銜珠
以報卞和得玉璞獻於楚懷王蘭

相如奉璧于秦曰臣頭與璧俱碎
於柱矣遂全璧歸趙

困

鳳生五雛長於南郭君子康寧悅樂

身榮

無註

井

二人為侶俱歸北海入門上堂拜謁

王母勞賜我酒女功悅喜

無註

革

逐憂去殃濟泥生梁下田為王

無註

鼎

東門之壇茹慮在坂禮義不行與我

心反

詩東門之墀茹蘆在阪言城東門
之旁有墀墀之外有阪阪之上有

草也

震

鳧遇稻廬甘樂趨鰭雖驅不去

無註

艮

清人高子久屯外野道遙不歸思我

君母公子奉請王孫嘉許

高子高克也詩云清人在彭駟介

旁旁註云鄭文公惡高克使將清

邑之兵禦狄于河上久而不召師

散而歸高克奔陳鄭人爲之作此

詩也

漸

讒人所言語不成全虎狼之患不爲

我殘

無註

歸妹

張羅捕鳩鳥麗其灾雌雄俱得為罔
所賊

無註

豐

安仁尚德東鄰慕義來安吾國

旅

無註

猾醜如誠前後相違言如驚咳語不
可知

無註

巽

懷璧越鄉不可遠行蔡侯兩裘久苦
流離

左傳定公三年蔡昭侯為兩佩裘以如楚獻一佩一裘於昭王昭王服之以享蔡侯

允

伯氏歸國多所恨惑車傾蓋亡身常驚惶乃得其願雄雌相從

無註

渙

火石相得乾無潤澤利少囊縮祗益

促迫

無註

節

君知聖哲嗚呼其友鎮德之徒可以禮仕

無註

中孚

中騎豚逐羊不見所望經涉虎廬亡羝
失羊

無註

小過

玄黃魂隕行者勞罷役夫憔悴處子
畏哀

詩卷耳篇陟彼高岡我馬玄黃又
曰陟彼崔嵬我馬虺隤又云我僕

既濟

痛矣云何吁矣


右手揜目不見長叔失其所得悔吝
相仍

無註

未濟

免冠進賢步出朝門儀體不正賊孽
為患

漢書貢禹為河南令以賊事為府
官見責免冠謝輿服志進賢古緇
布冠文儒者之服



坤下
艮上剝

行觸大忌與司命悟執囚束縛拘制
於吏幽人有喜

無註

之乾

穿冑狗邦僵離旁春天地易紀日月

更始

穿冑狗邦皆外夷國名

坤

從風縱火荻芝俱死三害集房十子

中傷

芝靈草荻蘆荻被火則俱死即玉
石俱焚之義

屯

北山有棗橘柚於聚荷囊載香盈我

筐筥

無註

蒙

齋員贖狸不聽我辭繫於虎鬚牽不

得來

無註

需

上下唯邪戾其元夫歡心隔塞君子

離居

無註

訟

二人輦車徙去其家井沸釜鳴不可

安居

無註

師

蹇驢不才俊驥失時罷於沙丘筋力
勞盡

無註

比

明傷之初為穆出交以讒復歸名曰
豎牛剝亂叔孫餒於空丘
餒當作餒春秋成公十六年魯穆

子去叔孫氏奔齊及庚宗遇婦人
宿焉生子曰牛後復歸魯立為卿
遂使牛為豎有寵長使為政牛不
食叔孫叔孫不食而卒

小畜

天火大起飛鳥驚駭作事不時自為
身咎

無註

履

土與山連共保歲寒終無灾患萬世

長安

無註

泰

日出阜東山蔽其明章甫薦屨箕子

佯狂

章甫禮冠屨履也商紂無道箕子

否

佯狂而為奴

龍馬上山絕無水泉喉焦唇乾口不

能言

無註

同人

雄處弱水雌在海濱別將持食悲哀

於心

書弱水既西柳宗元曰西海有水
散渙無力不能負芥

大有

庭燎夜明追嗣日光陽軟不制陰雄
坐戾

記郊特牲庭燎之百自齊桓公始
燎五十公用之燎三十侯伯子男
用之燎百天子用之以物百枚纏

謙

木燎之今用松葦灌脂在地曰燎

三婦同夫忽不相思志恒悲愁顏色

不怡

無註

豫

鶴盜我珠逃於東都鵠怒追求郭氏
之墟不見武迹反為患灾

未詳

隨

獼猴冠帶盜載非位衆犬共吠麀走

蹶足

項羽傳云沐猴而冠言其無知也

蠱

黍稷禾稻垂畝方好中旱不雨傷風

病燻

兩當作雨

臨

雄聖伏名人匿麟遠走鳳飛北亂禍

未息

無註

觀

王母多福天祿所伏居之寵光君子
有福

列仙傳王母道氣無為自然先以
東華至真之氣化生

噬嗑

班馬還師以息勞罷役夫忻喜入戶

見妻

春秋齊師夜遁有班馬之聲

賁

褰裳涉河流深漬衣賴幸舟子濟脫

無他

無註

復

被服文德升入大麓四門雍肅登受

大福

書曰納于大麓烈風雷雨弗迷註

麓山足也

無妄

東鄰嫁女為王妃后莊公築館以尊
王母歸于京師季姜悅喜

春秋魯莊公元年王姬下嫁於齊
命同姓諸侯主之魯以姬姓故築
館而迎之冬王姬歸于齊桓公九
年春紀季姜歸于京師為桓王后

大畜

百足俱行相輔為彊三聖翼事王室

寵光

三聖堯舜禹也

頤

危坐至暮請求不得膏澤不降政戾

民忒

無註

大過

百川朝海流行不止路難遼遠無不

到者

書禹貢江漢朝宗于海

坎

乘騮駕驪東至于齊遭遇仁友送我
以資厚得利歸

無註

離

禮壞樂崩成子傲慢欲求致理力疲

心爛陰陽不調成子驕傲為簡生殃
按春秋左傳哀公十四年齊簡公
之在魯也闕止有寵焉及即位使
為政陳成子憚之諸御鞅言於公
曰陳闕不可並也君其擇焉弗聽
庚辰陳恒執公于舒州公曰吾早
從鞅之言不及此甲午將簡公弑
之

咸

三人輦車乘入虎家王母貪叨盜我
犁牛

無註

恒

羊頭兔足少肉不飽漏囊敗粟利無

所得

無註

遯

新田宜粟上農得穀君子唯好以紆
百福

無註

大壯

夷羿所射發輒有獲雙鳧俱得利以

伐國

羿古之善射者

晉

鳧舞鼓翼嘉樂堯德虞夏美功要荒

賓服

大

堯唐帝名虞夏舜禹有天下之號

書禹貢五百里要服五百里荒服

明夷

登丘上山對酒道觀終年卒歲優福

無患

無註

家人

歲暮花落陽入陰室萬物伏匿藏不

可得

無註

睽

螟虫為賊害我禾穀單餅空虛飢無

所食

螟食苗心之虫害稼穡者也

蹇

陽虎脅主使得不通火離為殃年穀
病傷

陽虎季氏家臣嘗囚季桓子而專
國政

解

四馬共轅東上太山駢驥同力無有

重難與君笑言

無註

損

牧羊稻園聞虎喧囂懼畏悚息終無
禍患

無註

益

揚華不時冬實生危憂多橫賊生不

能服崑崙之玉所求不得

仙傳拾遺西王母所居崑崙之圃

有玉樓十二

夫

高阜所在陰氣不臨洪水不處為家

利寶

無註

姤

萃

釋然遠咎辟患害早田獲三狐以具
為寶君子所在安寧不殆

周易解九二田獲三狐狐者邪媚

之獸三狐指卦之三陰

兩目失明日奪無光脛足跛曳不可
以行頓於丘旁亡妾莫逐鬼然獨宿

無註

升

鴻飛循陸公出不復伯氏客宿

詩幽風九罭篇云鴻飛遵陸公歸
不復於汝信宿

困

葉芳將落隕其黃葉失勢傾側如無
所得

葉當作桑詩桑之落矣其黃而隕

井

載船渡海雖深難咎孫子俱在不失
其所

無註

革

鵠求魚食道過射矢繒加我頸繳縛
羽翼欲飛不能爲羿所得

羿古之善射者

鼎

泥面亂頭忍耻少羞日以削消凶其

自搖

無註

震

佩玉累纒無以繫之孤悲獨處愁哀

相憂

無註

艮

巨虵大鱗戰於國郊上下隔塞逐君

走逃

無註

漸

已動死連商子揚沙石流狐貉擾軍

鼓振吏士恐落

未詳

歸妹

二人俱行別離持食一身五心亂無所得

無註

豐

三聖相輔鳥獸喜舞安樂富有又

云三人偕偶

三聖堯舜禹也按書夔曰於予擊

旅

石拊石百獸率舞

三奇六耦相隨俱市王孫善賈先得利寶居止不安洪水為咎

無註

巽

三人俱行二人言北伯仲欲南少叔不得中路分爭道闢相賊

無註

允

播天舞光地乳神所守樂無咎言不信

無註

渙

坐爭立訟紛紛匆匆卒成禍亂灾及家公

無註

節

虵行蜿蜒不能上阪履節安居可以

無憂

無註

中孚

卻大墻壞蠹衆木折狼虎為政天降罪伐

罪無註

小過

陽不違德高山多澤顏子逐兔未有

所得

無註

既濟

心多畏惡時愁自懼雖有小咎終無

大悔

無註

未濟

衆神集聚相與議語南國虐亂百姓

愁苦興師征伐更立賢主

無註

震下復

周師伐紂剋於牧野甲子平旦天下

悅喜

按書牧誓時甲子昧爽王朝至于
商郊牧野以伐紂又武成一戎衣
而天下大定萬姓悅服

之乾

任重負力東征不伏蹈泥履塗雄師
敗覆

無註

坤

義不勝情以欲自營觀利危寵折角

摧頸

無註

屯

懸狃素飧食非其任失輿剝廬休坐
徙居室家何憂

詩伐檀篇云胡瞻爾庭有縣貍兮
彼君子兮不素餐兮貍貉類易剝

蒙

卦上九君子得輿小人剥廬

鷓鴣娶婦深目窈身折腰不媚與伯相背

無註

需

東風解凍河川流通西門子產升擢有功

訟

此言西門豹鄭子產二人皆古之良臣也

三足俱行傾危善僵六指不便恩累弟兄樹柱關中失其正當

無註

師

京庾積倉柔稷以興已極行疾至以

饜飽

按詩楚茨云我黍與與我稷翼翼
我倉既盈我庾維億

比

南山之跡真人所遊德配唐虞天命
為子保佑歆享身受大慶

唐虞堯舜有天下之號也

小畜

車馳人趨卷甲相仇齊魯寇戰敗於

犬丘

按春秋齊師侵魯戰于長勺車馳
卒奔齊師敗績事見莊公十年

履

十五許室柔順有德霜降既嫁文以
為合先王日至不利出域

無註

泰

任力劣薄遠託邦國轉車不彊為癰
所傷

無註

否

千歲舊室將有困急荷糧負囊出門

直北

無註

同人

惡灾殆盈日益彰明禍不可救三郤
夷傷

按春秋三郤晉大夫郤錡郤犇郤
至成公十七年晉厲公侈多外嬖
欲盡去群大夫而立其左右遂殺

三郤

大有

冠危戴患身驚不安與禍馳逐凶來
入門

無註

謙

虎狼並處不可以任忠謀輔政禍必
及已退隱深山身乃不死

無註

豫

郊與石闢康碎無處挈鋌之使不為

憂懼

無註

隨

五心六意歧道多怪非君本志生我
恨悔

無註

蠱

卷六
五十九
雨雪載塗東行破車旅人無家利益
咨嗟

詩出車勞還率也曰昔我往矣黍稷方華今我來思雨雪載塗王事多難不遑啓居

臨

尚刑懷義月出平地國亂天常咎徵
滅亡

觀

無註

東行破車步入危家衡門穿射無以
為主賣袍續食糟糠不飽

無註

噬嗑

逐禽出門并失玉丸徃來井上破甕
缺盆

無註

賁

孟春醴酒使君壽考南山多福宜行
賈市稻梁雉雉所至利喜

按詩云為此春酒以介眉壽又云
如南山之壽不騫不崩

剥

持刃操肉對酒不食夫亡從軍少子

入獄抱膝獨宿

無註

無妄

蹄牛傷暑不能成畝草萊不墾年歲
無有

無註

大畜

南邦大國鬼魅滿室謹聲相逐為我

行賊大國異機藏室齋覽昧透為疾

大畜無註

頤

導導所言莫如我恒歡樂堅固可以

長安

無註

大過

堯舜禹湯曰聖敦仁允施德音民安

無窮旅人相望未同朝鄉

堯唐帝名舜虞帝名禹夏禹湯成

湯四聖皆仁德之君也

坎

桎梏拘獲身入牢獄髡刑受法終不

得釋耳閉道塞求事不得

無註

離

樂蹠並處民困愁苦行旅遲遲留連
齊魯

樂夏樂蹠盜蹠

咸

求雞獲雛買鰲失魚出入鈞敵利得
無饒齊姜宋子婚姻孔嘉
詩衡門篇豈其取妻必齊之姜豈
其取妻必宋之子

恒

兩師駕馭風伯吹雲秦楚爭強施不
得行

秦楚春秋戰國時二強國

遯

仲冬無秋鳥鵲飢憂困於米食數驚

鷓鴣

無註

大壯

三羝上山俱至陰安遂到南陽見其
芝香兩崖相望未同枕床

無註

晉

飛至日南還歸遼東雌雄相從和鳴
雍雍解我迥春

無註

明夷

堯飲舜舞禹拜上酒禮樂所豐可以
安處保我淑女
堯舜禹三聖人也

家人

太一置酒樂正起舞萬福攸同可以
安處綏我覯齒

無註

睽

白馬駟騶生乳不休富我商人得利

饒憂

無註

蹇

宛馬疾步盲師坐御目不見路中止

不到

漢大宛有善馬

解

春桃萌生萬物華榮邦君所居國樂

無憂

無註

損

把珠入口蓄為玉寶得吾所有忻然

嘉喜

無註

益

襦燒袴燔羸剥飢寒病虐凍孽

無註

夫

水沫沉浮沮濕不居為心疾憂

無註

始

行如桀紂雖禱不祥命衰絕周文王

乏祀

桀夏之後紂商之後周自平王至
威烈王日以衰微傳至赧王為秦
所滅

萃

蚍蜉戴盆不能上山脚推跛蹶頓傷

其顏

蚍蜉蠹有翼者蚍蜉戴盆即蚍蜉

撼大樹之義量小而望大也

升

長子入獄婦饋母哭霜降愈甚鄉晦

伏法

無註

困

求犬得兔請新遇故雖不當路踰吾
舊舍

無註

井

鳥鳴葭端一呼三顛搖動東西危而
不安靈祝禱社疾病無患

無註

革

天厭禹德命興湯國祆社豐鼓以除
民疾

夏桀無道成湯放之于南巢祆當
作祆豐當作豐

鼎

陰霧作匿不見白日邪徑迷道使君

亂惑

無註

震

猿墮高木不踈手足握珠懷王還歸

我室

無註

艮

三驪負衡南取芝香秋蘭芬馥盛滿
匣賈利我少姜

無註

漸

春生夏乳羽毛成就舉不失宜君臣

相好盜走奔北終無有悔

無註

歸妹

東行破車遠反失家天命訖終無所

禱凶

無註

豐

九鴈列陳雌獨不群為罾所舉死於

旅

庖人

無註

二人輦車徙去其家井沸釜鳴不可

以居

井沸釜鳴皆不祥之兆也

巽

閉塞復通與善相逢甘棠之人解我

憂凶

甘棠美召伯之詩也召伯循行南國以布文王之政舍於其下

允

賦歛重數政為民賊杼軸空虛去其家室

詩大東篇小東大東杼軸其空杼持緯者也柚受經者也

渙

怒非其怨含垢腐鼠而呼鵲鷓自分失餌致被殃患

無註

節

簪跌帶長幽思窮苦瘠貌小瘦以病疾降

無註

中孚

三人俱行各別採桑蘊其筐宮留我
嘉旅得歸無咎四月來處

無註

小過

逐鳩南飛與喜相隨并獲鹿子多得
利歸雖憂不危

無註

既濟

驅羊南行與禍相逢狼驚吾馬虎盜
我子悲恨自咎

無註

未濟

東鄰西國福喜同樂出得隨珠留獲
和玉俱利有喜

隋侯見蛇傷取藥封之後蛇銜珠

以報卞和得玉璞獻於楚懷王

味正則休不苦

東職

未齊

小過

於子

歸

易林卷第六

